

**ROSA ANA PRADA QUEIPO, SECRETARIA DO CONCELLO DE AMES NA PROVINCIA DA CORUÑA**

**CERTIFICO:** QUE O PLENO DESTE CONCELLO LEVOU A CABO SESIÓN ORDINARIA O 30 DE OUTUBRO DE 2014, DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE:

**ACTA DA SESIÓN ORDINARIA LEVADA A CABO POLO PLENO DO CONCELLO O DÍA 30 DE OUTUBRO DE 2014.**

No Salón de Sesiões da Casa do Concello de Ames, ás vinte horas (20:00) do día 30 de outubro de 2014, reúnese o Pleno do Concello en sesión ordinaria de primeira convocatoria, baixo a presidencia do Sr. Alcalde, **Santiago V. Amor Barreiro**, e coa asistencia das/os señoras/os concelleiras/os seguintes:

Grupo municipal Popular	Grupo municipal Socialista	Concelleiras/os non adscritas/os
Santiago V. Amor Barreiro M <sup>a</sup> Eugenia Martín Vicente Bernardo Moar Míguez Alfredo Taboada Alvelo M <sup>a</sup> Carmen Verde Leboráns	José M. Miñones Conde José Blas García Piñeiro M <sup>a</sup> Isabel González Cancela Jose Pazos Balsa Francisco Villaverde Marcos Carmen Fraga Crespo	M <sup>a</sup> Pilar Candocia Pita Xosé Anxo Doval Rey Susana Mayo Redondo Ramón García Argibay M <sup>a</sup> Dolores Fernández Álvarez Manuel J. Ferreiro Santiago Alfonso Rey López María González Gómez Emilio Martínez Carballeira

Non asiste pero xustifica a súa ausencia a concelleira **Olalla Alvite del Río**.

Asiste o **interventor**, José Antonio Rueda de Valenzuela.

Actúa como **secretaria** a titular da Corporación, Rosa Ana Prada Queipo.

**ORDE DO DÍA**

**A) PARA DAR CONTA**

**Punto primeiro. Dación de conta ao Pleno da Corporación dos decretos ditados pola Alcaldía dende a última sesión plenaria ordinaria.**

O señor alcalde, **Santiago V. Amor Barreiro**, informa á Corporación que os decretos ditados pola Alcaldía dende a última sesión plenaria ordinaria, estiveron á disposición de todas/os as/os concelleiras/os na Secretaría Xeral, engadindo que o acceso aos decretos é libre para todas/os as/os concelleiras/os en calquera momento na Secretaría Xeral do Concello, así como nos distintos departamentos nos que foron elaborados e que ditos decretos foron remitidos por vía telemática aos señores/as concelleiros/as.

**Punto segundo. Dación de conta ao Pleno da Corporación de xestións realizadas pola Alcaldía.**

O señor alcalde, **Santiago V. Amor Barreiro**, informa que nos pasados días, Augas de Galicia remitiu un comunicado onde informou que están a redactar o proxecto construtivo da depuradora de Sisalde (Bertamiráns), en base ao anteproxecto existente. Tamén a Dirección Xeral de Transportes e do Sector Postal contestou a aquela moción que se aprobou no pleno en relación coa oficina de correos do Milladoiro, manifestando que o servizo está cuberto e de momento non se proxectan novas ampliacións.

**Punto terceiro. Información periódica a render ao Pleno, en execución do acordo adoptado en data 26/08/2010: Execución do orzamento ao remate do 3º trimestre do exercicio 2014.**

O señor alcalde, **Santiago V. Amor Barreiro**, da conta da información periódica a render ao pleno, en execución do acordo adoptado en data 14/10/2013: Execución do orzamento ao remate do 3º trimestre do exercicio 2014, de acordo co informe 197/2014 da Intervención municipal, emitido en data 27 de outubro de 2014, e a documentación en formato dixital que se xunta a aquel.

**Punto cuarto. Información ao pleno, en execución do disposto no artigo 4.3 da Lei 15/2010, do 5 de xullo, de modificación da Lei 3/2004, do 29 de decembro, pola que se establecen medidas de loita contra a morosidade nas operacións comerciais, informe sobre o cumprimento dos prazos previstos no artigo 216.4 do Real decreto Lexislativo 3/2011, de 14 de novembro, polo que se aproba o texto refundido da Lei de contratos do sector público, para o pago das obrigas de cada Entidade local.**

O señor alcalde, **Santiago V. Amor Barreiro**, da conta da información ao pleno, en execución do disposto no artigo 4.3 da Lei 15/2010, do 5 de xullo, de modificación da Lei 3/2004, do 29 de decembro, pola que se establecen medidas de loita contra a morosidade nas operacións comerciais, informe sobre o cumprimento dos prazos previstos no artigo 216.4 do Real Decreto Lexislativo 3/2011, de 14 de novembro, polo que se aproba o Texto Refundido da Lei de contratos do sector público, para o pago das obrigas de cada entidade local, correspondente ao 3º trimestre do exercicio 2014, de acordo co informe 197/2014 da Intervención municipal emitido o 27 de outubro de 2014 e documentación en formato dixital que se xunta a aquel.

**Punto quinto. Información ao pleno, en execución do disposto no artigo 5.4 da Lei 15/2010, do 5 de xullo, de modificación da Lei 3/2004, do 29 de decembro, pola que se establecen medidas de loita contra a morosidade nas operacións comerciais, relación de facturas que presentan unha demora na tramitación superior aos tres meses.**

O señor alcalde, **Santiago V. Amor Barreiro**, da conta da información ao pleno, en execución do disposto no artigo 5.4 da Lei 15/2010, do 5 de xullo, de modificación da Lei 3/2004, do 29 de decembro, pola que se establecen medidas de loita contra a morosidade nas relacións comerciais, relación de facturas que presentan unha demora na tramitación superior aos tres meses, correspondente ao 3º trimestre do exercicio 2014, de acordo co informe de Intervención municipal 197/2014, emitido en data 27 de outubro de 2014 e a documentación en formato dixital que se xunta a aquel.

**Punto sexto. Dar conta do informe previsto no artigo 218 do texto refundido da Lei reguladora das facendas locais.**

O señor alcalde, **Santiago V. Amor Barreiro**, da conta ao pleno do informe da Intervención municipal 161/2014, de data 18 de agosto de 2014, acerca das resolucións adoptadas polo presidente da Entidade Local contrarias aos reparos efectuadas, así como un resumo das principais anomalías detectadas en materia de ingresos. De xeito complementario, dáse conta tamén do informe 178/2014, que desenvolve o anterior.

**B) PARA DELIBERACIÓN E ACORDO**

**Punto sétimo. Aprobación, se procede, de actas anteriores.**

(.....)

Sometida a votación, a acta do pleno de 25 de setembro de 2014, resulta aprobada por **maioría absoluta** dos membros presentes, coa abstención da concelleira Mª Pilar Candocia Pita por non ter estado presente nesa sesión, e o voto favorable do resto

dos concelleiros/as presentes.

**Punto oitavo. Aprobación Conta Xeral 2013.**

A petición do concelleiro **José M. Miñones Conde**, se fai constar na acta da sesión que durante a súa intervención o señor alcalde dixo: *no tema do sistema de recadación da Deputación, vostede señor Miñones, ten unha teima ca Deputación e algún día saberemos mais de por qué ten esa teima ca Deputación.*

(.....)

Rematadas as intervencións, o pleno da corporación, somete a votación a desestimación das alegacións presentadas polo Grupo PSG-PSOE e a aprobación da conta xeral 2013 producíndose un empate, cos votos a favor dos 5 representantes do grupo municipal popular e o voto en contra dos 5 representantes presentes do grupo municipal socialista e a abstención do resto de concelleiros/as presentes da corporación municipal.

Producido empate, de conformidade co artigo 100.2 do Real Decreto 2598/1986 de 28 de novembro (ROF), repítese a votación, e persistindo o empate decide o voto de calidade do alcalde.

De conformidade co exposto o pleno da corporación por maioría simple, co voto de calidade do señor alcalde, cos votos a favor dos 5 representantes do grupo municipal popular, o voto en contra dos 5 representantes presentes do grupo municipal socialista e a abstención do resto de concelleiros/as presentes, adoptou os seguintes acordos:

**Primeiro.** Desestimar a alegación presentada á conta xeral 2013 polo Grupo PSG-PSOE, polos argumentos contidos no informe de intervención municipal 191/2014:

- A reclamación referida ao incumprimento dos prazos na tramitación do expediente debe ser desestimada, pois non incide na validez do expediente, ao non afectar ao reflexo da imaxe fiel do patrimonio, da situación financeira, dos resultados e da execución do orzamento no exercicio considerado.
- A reclamación referida á non inclusión do saldo da conta 413 no cómputo do resultado orzamentario e do remanente de tesourería debe ser desestimada, xa que a normativa reguladora do seu cálculo non contempla nin permite a súa toma en consideración.

**Segundo.** Aprobar definitivamente a conta xeral do exercicio 2013.

**Terceiro.** Remitir a conta xeral 2013 ao Consello de Contas de Galicia.

**Punto noveno. Aprobación definitiva da Ordenanza reguladora do servizo de taxi do Concello de Ames.**

(.....)

Neste punto da orde do día incorporase o concelleiro José Pazos Balsa.

Non se producen intervencións.

O pleno da corporación por unanimidade dos seus membros presentes adopta o seguinte acordo:

**Primeiro.** Desestimar a alegación primeira formulada por Agustín Núñez Cea, en representación da Asociación de taxistas de Ames e estimar parcialmente a segunda alegación presentada por Agustín Núñez Cea en representación da Asociación de taxistas de Ames, dando unha nova redacción ao artigo 11 da ordenanza tal e como

se informa polos servizos técnicos municipais.

**Segundo.** Aprobar definitivamente a ordenanza reguladora do servizo de taxi no Concello de Ames cuxo texto figura como anexo a este acordo.

**Terceiro.** Publicar o acordo de aprobación definitiva xunto co texto definitivo da ordenanza aos efectos legalmente establecidos.

**Cuarto.** Facultar ao alcalde presidente, Santiago V. Amor Barreiro, para cantas actuacións de trámite sexan precisas para a mellor execución do acordado.

#### **Anexo**

### **ORDENANZA REGULADORA DO SERVIZO DE TAXI NO CONCELLO DE AMES**

#### **NORMAS XERAIS**

##### **ARTIGO 1. Obxecto**

1. A presente ordenanza regula o transporte público urbano de persoas en vehículos de turismo por medio de taxi que se desenvolve no Concello de Ames segundo o establecido na Lei 4/2013, do 30 de maio, de transporte público de persoas en vehículos de turismo en Galicia .

2. Considérase taxi o transporte público e discrecional de persoas viaxeiras realizado por persoas físicas en vehículos de turismo habilitados que contan con signos distintivos de taxi, e que se realiza por conta allea mediante retribución económica suxeita a tarifa e dispoñendo dos correspondentes títulos habilitantes para a prestación do servizo .

3. Para o non previsto nesta ordenanza, ademais da citada Lei 4/2013, será de aplicación a Ordenanza fiscal reguladora da taxa por licenzas de autotaxi e demais vehículos de alugueiro do Concello de Ames, así como as restantes normas de aplicación.

##### **ARTIGO 2. Ámbito de aplicación**

A intervención da Administración municipal límitase á regulación dos taxis no Concello de Ames. A capacidade dos vehículos, con carácter xeral, estará comprendida entre un mínimo de cinco prazas e máximo de sete prazas, incluída a do/a condutor/a. Excepcionalmente, atendendo as características xeográficas de poboación ou de débil tráfico, poderán autorizarse vehículos de ata nove prazas incluída a persoa condutora.

#### **LICENZAS**

##### **ARTIGO 3. Competencia**

A concesión das licenzas para exercer o servizo de transporte urbano de viaxeiros, para adscribir vehículos a estas licenzas e para conducir os ditos vehículos é competencia do Concello. O Concello de Ames exercerá esta competencia na forma prevista na presente ordenanza.

##### **ARTIGO 4. Concesión**

Cada licenza terá unha soa persoa titular e estará adscrita a un vehículo concreto.

As licenzas outorgaranse sen prazo de duración prefixado e a súa validez quedará condicionada ao cumprimento das condicións e requisitos exixidos, así como ao establecido no artigo 18 da Lei 4/2013.

O Concello de Ames poderá comprobar, en todo momento, o cumprimento dos requisitos esixidos para a obtención das licenzas e a debida explotación, previa solicitude ás persoas titulares da documentación que xulgue pertinente.

##### **ARTIGO 5. Outorgamento de licenzas**

O outorgamento de licenzas de taxi determinarase pola necesidade e conveniencia do servizo, atendendo á oferta e á demanda existente no Concello de Ames e á calidade do servizo.

As licenzas serán outorgadas por concurso, previa convocatoria pública que garanta a libre concorrência entre as persoas interesadas, de acordo co establecido nos artigos 6 a 16 da Lei 4/2013.

Na convocatoria do concurso faranse constar os criterios de adxudicación, entre os que se valorará a antigüidade como condutor/a de taxi, tal como establece o artigo 8 da Lei 4/2013.

O Pleno da Corporación establecerá un número de licenzas conforme ao establecido no artigo 6 da Lei 4/2013.

O réxime de outorgamento, utilización, suspensión, modificación e extinción das licenzas axustarase ao disposto na presente ordenanza, en relación co establecido na Lei 4/2013.

## **ARTIGO 6. Transmisión de licenzas**

1. A transmisión das licenzas rexerase polo establecido no artigo 17 da Lei 4/2013.
2. A transmisión dunha licenza, nos supostos legalmente establecidos, non faculta, por si mesma, para a prestación do servizo, xa que deben cumprirse, ademais, os requisitos esixidos na presente ordenanza para o exercicio da actividade.

## **ARTIGO 7. Habilitación para prestación do servizo**

As persoas condutoras dos vehículos adscritos ao servizo deberán estar en posesión da correspondente habilitación para a prestación do servizo. Para isto, terán que obter o permiso municipal de condutor expedido polo Concello de Ames, así como a autorización interurbana de taxi.

As persoas titulares das licenzas teñen a obriga de explotalas persoalmente ou mediante a contratación de condutor/a asalariado/a, a xornada completa e con dedicación exclusiva, sen prexuízo do disposto na disposición transitoria terceira da Lei 4/2013.

En todo caso, cada licenza non poderá ter adscritas máis de dúas persoas como condutoras, incluída a persoa titular. Cando, por calquera causa, a persoa titular dunha licenza non puidera explotala por si mesma ou mediante un/unha empregado/a, deberá solicitarlle ao Concello de Ames unha suspensión, por dous anos como máximo, e atendendo ás condicións establecidas no artigo 11 da Lei 4/2013.

As persoas titulares das licenzas deberán xustificar ante o Concello, cando lles sexa requirido, o cumprimento da normativa legal en materia laboral e da seguridade social das persoas asalariadas.

## **ARTIGO 8. Permiso municipal de persoa condutora**

O permiso municipal de persoa condutora concederá o Concello, a solicitude da persoa interesada, sempre que se cumpran os seguintes requisitos:

- Estar en posesión do carné de conducir expedido pola Xefatura de Tráfico, coa categoría esixida polo código de circulación para conducir vehículos de servizo público.
- Certificado médico oficial acreditativo de non padecer enfermidade infecto-contaxiosa ou impedimento físico que imposibilite ou dificulte o normal exercicio da profesión.
- Declaración de non atoparse incurso nalgunha das causas de incapacidade ou incompatibilidade que lle impida contratar coa Administración pública.

## **DOS VEHÍCULOS**

### **Artigo 9. Características**

Os vehículos adscritos ao servizo estarán dotados de taxímetro; terán unha capacidade mínima de cinco prazas e máxima de sete, incluída a da persoa condutora, e deberán dispoñer dun espazo dedicado a maleteiro totalmente independente e suficiente para transportar a equipaxe.

Excepcionalmente, atendendo as características xeográficas de poboación ou de débil tráfico, poderán autorizarse vehículos de ata nove prazas incluída a persoa condutora.

### **Artigo 10. Imaxe**

1. Para as novas licenzas outorgadas a partir da entrada en vigor da presente ordenanza, e sen prexuízo do establecido no artigo 27.1 da lei 4/2013, os vehículos destinados á prestación deste servizo deberán ser de cor branca.

En todos os casos, a partir da entrada en vigor da presente ordenanza, faranse constar de maneira visible na porta dianteira do vehículo o escudo do Concello de Ames e o número de licenza de taxi ao que se encontre afecto, así como unha placa co dito número no interior do vehículo.

2. Con suxeición á lexislación vixente en materia de publicidade, tráfico e seguridade viaria, autorízanse as persoas titulares das licenzas de taxi para colocaren anuncios publicitarios no exterior dos vehículos sempre que se conserve a súa estética, non impliquen a perda de visibilidade nin xeren perigo e respecten os requisitos de imaxe unificada dos taxis que poida establecer a Xunta de Galicia.

3. Queda prohibida toda publicidade sexista ou que atente contra os dereitos das persoas.

4. Os vehículos adscritos ao servizo irán provistos sempre da seguinte documentación:

1. Licenza municipal e autorización interurbana de taxi

2. Permisos municipais de persoa condutora.
3. Permisos de circulación do vehículo.
4. Documentación acreditativa das revisións obrigatorias do vehículo.
5. Seguros esixibles legalmente.
6. Follas de reclamacións.
7. Cadro de tarifas oficiais.

5. En todo caso, os taxis deben estar equipados tamén cun módulo luminoso exterior que sinala claramente, de acordo coa normativa técnica de aplicación, tanto a dispoñibilidade do vehículo para prestar o servizo como a tarifa que resulte aplicable.

A substitución dun vehículo por outro deberá autorizala o Concello de Ames cumprindo co establecido na Lei 4/2013.

#### **Artigo 11. Incorporación de innovacións tecnolóxicas**

O Concello de Ames promoverá, en colaboración coas asociacións profesionais representativas do sector do taxi e co Consello Galego de Transportes, a progresiva implantación das innovacións tecnolóxicas precisas para mellorar as condicións de prestación e seguridade dos servizos de taxi e das persoas condutoras, a incorporación de sistemas automáticos de pagamento e facturación do servizo, sistemas de navegación, a progresiva redución das emisións sonoras dos vehículos, a potenciación de vehículos de baixa contaminación, a optimización da reciclaxe dos materiais utilizados e calquera outra innovación que se introduza no sector.

A introdución de innovacións tecnolóxicas para unha mellor prestación do servizo será autorizada polo Concello, previa a tramitación e autorizacións sectoriais que legalmente lle correspondan.

#### **Artigo 12. Prestación do servizo.**

As persoas condutoras están obrigadas a seguir o traxecto máis curto para chegar ao destino indicado polo viaxeiro. A persoa condutora pode denegar a prestación do servizo de taxi cando sexa solicitado para finalidades que se presuman racionalmente como ilícitas, ou cando concorran circunstancias especiais de risco para a seguridade ou a integridade física das persoas ou do vehículo.

Para a prestación do servizo os vehículos situaranse por orde de chegada nas paradas de estacionamento determinadas polo Concello que se relacionan no ANEXO I da ordenanza. Os vehículos non poderán permanecer nas paradas sen o seu condutor/a.

As paradas estarán debidamente sinalizadas e rotuladas polo Concello. Nelas figurarán os sistemas tecnolóxicos de comunicación facilitados polas persoas titulares das licenzas.

Cando os/as usuarios/as acudan a parada para solicitar o servizo deberán dirixirse ao vehículo situado en primeiro lugar respectando a orde de chegada.

Os/as usuarios/as poderán solicitar o servizo a través de chamada dun sistema tecnolóxico de comunicación a unha persoa titular de taxi concreto, sen necesidade de acudir á parada. Neste caso, o servizo considerárase iniciado no lugar e no momento en que o vehículo recibe o encargo de prestar o servizo. En todo caso, no momento da recollida efectiva da persoa usuaria, o importe máximo do taxímetro non poderá superar o importe correspondente ó mínimo establecido para o inicio do servizo, cumprindo co establecido no artigo 32 da Lei 4/2013.

#### **Artigo 13. Taxis adaptados**

Nas bases do concurso público que se determine para adxudicación de novas licenzas de taxi, o Concello de Ames priorizará a licenza para taxis adaptados, nun mínimo de dous, para a cobertura do servizo de taxis adaptados, segundo o establecido na Lei 4/2013, do 30 de maio, de transporte público de persoas en vehículos de turismo de Galicia.

### **INFRACCIÓNS, SANCIÓNS E PROCEDEMENTO SANCIONADOR**

#### **Artigo 14. Regras sobre a responsabilidade**

1. A responsabilidade administrativa polas infraccións das normas reguladoras do transporte de persoas en vehículos de turismo corresponderá:

a) Nas infraccións cometidas con ocasión da prestación de servizos de taxi amparados nos preceptivos títulos habilitantes, á persoa titular.

b) Nas infraccións cometidas con ocasión de servizos de taxi ou realizados ao abeiro de títulos habilitantes expedidos a nome doutras persoas, á persoa física ou xurídica que utilice os ditos títulos e á persoa a nome da cal se expedisen aqueles títulos, agás que esta última demostre que non deu o seu consentimento.

c) Nas infraccións cometidas con ocasión de servizos de taxi realizados sen a cobertura do correspondente título habilitante, á persoa que teña atribuída a facultade de uso do vehículo, ben sexa a título de propiedade, alugueiro, arrendamento financeiro, renting ou calquera outra forma admitida pola lexislación vixente.

Este réxime de responsabilidade aplicarase tamén ás infraccións que consistan na difusión de ofertas comerciais para a realización de actividades para as cales non se conte co preceptivo título habilitante.

d) Nas infraccións cometidas polas persoas usuarias e, en xeral, por terceiros que, sen estaren comprendidos nas liñas anteriores, realicen feitos que constitúan infraccións recollidas nesta ordenanza, á persoa física ou xurídica a quen vaia dirixido o precepto infrinxido ou a quen a disposición correspondente lle atribúa especificamente a responsabilidade.

e) A responsabilidade administrativa esixiráselles ás persoas físicas ou xurídicas ás que se refire o punto anterior, sen prexuízo de que estas poidan deducir as accións que resulten procedentes contra as persoas ás cales lles sexan materialmente imputables as infraccións.

### **Artigo 15. Infraccións**

1. Son infraccións as accións e as omisións que contraveñan as obrigas establecidas por esta ordenanza.
2. As infraccións clasifícanse en moi graves, graves e leves.

### **Artigo 16. Infraccións moi graves**

Considéranse infraccións moi graves:

a) A realización de servizos carecendo dos preceptivos títulos habilitantes ou con estes suspendidos, anulados, caducados, revogados, sen ter realizado o visado obrigatorio ou por calquera outra causa ou circunstancia pola que as referidas habilitacións expedidas para exercer a actividade xa non sexan válidas. No suposto de que a infracción consista na falta de visado obrigatorio e este se realizase con anterioridade á data de resolución do procedemento sancionador, a infracción terá a cualificación de leve.

b) A cesión ou a transmisión, expresa ou tácita, dos títulos habilitantes por parte das persoas titulares a favor doutras persoas sen a preceptiva autorización.

c) O falseamento de documentos que teñan que ser presentados como requisito para a obtención dos títulos habilitantes ou dos datos que deban figurar nos ditos títulos habilitantes.

d) A negativa ou a obstrución á actuación dos servizos de inspección que impida o exercicio das funcións que legal ou regulamentariamente teñan atribuídas.

e) O incumprimento, por parte da persoa titular do vehículo, da obriga de subscribir os seguros preceptivos.

f) O incumprimento das obrigas de prestación do servizo de taxi impostas.

g) Non levar o aparello taxímetro no caso de que este sexa esixible, a manipulación deste, facelo funcionar de xeito inadecuado ou impedirle a súa visibilidade á persoa usuaria, así como cantas accións teñan por finalidade alterar o seu normal funcionamento, e a instalación de elementos mecánicos, electrónicos ou doutra natureza destinados a alterar o correcto funcionamento do taxímetro ou a modificar as súas medicións, mesmo cando este non estea en funcionamento no momento de se realizar a inspección.

A responsabilidade pola dita infracción corresponderá tanto ás persoas que manipulasen o taxímetro ou colaborasen na súa manipulación como ao/á taxista que o teña instalado no seu vehículo.

h) A prestación de servizos de transporte de persoas con vehículos que incumpran as condicións técnicas sobre accesibilidade de persoas con mobilidade reducida que en cada caso se determinen, sempre que o vehículo sexa un taxi adaptado.

i) Prestar o servizo cun número de ocupantes do vehículo que supere o número de prazas autorizadas, de conformidade coa normativa vixente.

j) A realización de servizos de transporte de persoas mediante cobramento individual, agás nos casos en que estea expresamente autorizado.

### **Artigo 17. Infraccións graves**

Considéranse infraccións graves:

a) Carecer do preceptivo documento no cal se deben formular as reclamacións das persoas usuarias ou

negar ou obstaculizar a súa disposición ao público.

b) Non atender a solicitude a unha demanda de servizo de taxi por parte dunha persoa usuaria estando de servizo, ou abandonar un servizo antes da súa finalización, agás que existan causas xustificadas de perigo fundado para a persoa condutora ou para o vehículo de turismo.

c) A realización de servizos de transporte iniciados nun municipio distinto do que corresponde á licenza de taxi, agás nos supostos legalmente exceptuados.

d) Incumprir o réxime de tarifas vixente para o servizo de taxi.

e) A prestación de servizos con vehículos distintos aos identificados adscritos ás licenzas de taxi e ás autorizacións interurbanas de taxi, agás nos casos de substitución debidamente autorizados, así como o incumprimento do ámbito territorial dos devanditos títulos habilitantes.

f) Non dispoñer, no caso de autorización de arrendamento de vehículos con condutor, do número mínimo de vehículos ou dos caracteres esixibles a estes.

g) A retención de obxectos abandonados no vehículo sen dar conta á autoridade competente.

h) Non dispoñer dos cadros de tarifas e do resto de documentación que se teña que exhibir para o coñecemento das persoas usuarias.

i) O trato desconsiderado aos clientes, así como a non prestación do servizo nas condicións de hixiene e/ou calidade esixibles.

j) Calquera das infraccións previstas como moi graves cando pola súa natureza, ocasión ou circunstancia non deba ser cualificada como moi grave.

### **Artigo 18. Infraccións leves**

Considéranse infraccións leves:

a) Non levar en lugar visible os distintivos que sexan esixibles, levalos nunhas condicións que dificulten a súa percepción ou facer un uso inadecuado deles.

b) Non respectar os dereitos das persoas usuarias establecidos nesta ordenanza.

c) A realización da actividade de taxi con vehículos alleos sobre os cales non se teñan as condicións de dispoñibilidade legalmente esixibles.

d) Non levar a bordo do vehículo a documentación formal que acredite a posibilidade legal de prestar o servizo, sempre que se dispoña dela.

e) Incumprir as normas establecidas na presente ordenanza sobre publicidade nos vehículos taxi.

f) A carencia no vehículo ou nos locais do letreiro que indique a existencia de follos de reclamacións.

g) Non entregar o recibo ou a factura do servizo prestado ás persoas usuarias, se estas o solicitan, ou entregarlles un recibo ou unha factura que non cumpra os requisitos establecidos pola normativa aplicable.

h) O incumprimento por parte das persoas usuarias dos deberes que lles correspondan.

i) A carencia de cambio de moeda metálica ou de billetes ata a cantidade que estea regulamentariamente establecida.

j) Non expoñer ao público os cadros de prezos autorizados ou telos en lugares non visibles.

k) Calquera infracción das que teñen consideración de graves cando pola súa natureza, ocasión ou circunstancias non deba ser cualificada como grave. Deberá xustificarse a existencia das ditas circunstancias e motivarse na resolución correspondente.

### **Artigo 19. Sancións e competencia para a imposición de sancións**

As sancións regularanse segundo o previsto no artigo 63 da Lei 4/2013 para o servizo de taxis

A competencia para a imposición das sancións previstas nesta ordenanza corresponderá ao Alcalde.

### **Artigo 20. Procedemento sancionador**

O procedemento sancionador iniciárase de oficio ou a instancia de parte, de conformidade co previsto na Lei 30/92, de réxime xurídico das administracións públicas e do procedemento administrativo común e de acordo co Regulamento do procedemento para o exercicio da potestade sancionadora, aprobado por Real decreto 1398/1993.

### **Artigo 21. Prescrición das infraccións e das sancións**

1. As infraccións e as sancións moi graves prescribírán aos tres anos; as graves, aos dous anos; e as leves, ao ano.



2. O prazo de prescrición das infraccións comezará a contarse desde o día en que a infracción se cometese, e o das sancións, desde o día seguinte a aquel en que adquirise firmeza a resolución pola cal se impón a sanción.

3. Interromperá a prescrición da infracción a iniciación, con coñecemento do interesado, do procedemento sancionador, e volverá transcorrer o prazo de prescrición se o expediente sancionador está paralizado durante máis dun mes por causa non imputable ao/á presunto/a responsable.

No caso das sancións, a prescrición interromperase coa iniciación, con coñecemento do/a interesado/a, do procedemento de execución, e volverá transcorrer o prazo se o dito procedemento está paralizado durante máis dun mes por causa imputable ao/á infractor/a.

#### **Disposición final.**

A presente ordenanza entrará en vigor así que se publique no Boletín Oficial da Provincia e unha vez transcorrido o prazo ao que se refire o artigo 70.2 en relación co artigo 65.2 da Lei 7/1985, de 2 de abril, reguladora das bases do réxime local, e permanecerá en vigor ata a súa modificación ou derogación expresa.

### **ANEXO I**

#### **LOCALIZACIÓN DE PARADAS**

Avenida Rosalía de Castro nº 23 (Milladoiro)

Rúa Alcalde Lorenzo nº1 (Bertamiráns)

### **ANEXO II**

#### **TARIFAS**

As tarifas aplicables aos servizos urbanos de taxi serán as fixadas a continuación.

As tarifas aplicables aos servizos interurbanos, serán as fixadas pola consellería competente en materia de transportes da Xunta de Galicia.

As tarifas deberán figurar nun lugar visible para as persoas usuarias dende o interior do vehículo.

No momento da entrada en vigor da presente ordenanza, as tarifas vixentes serán as que de seguido se detallan:

Establécese unha percepción mínima, o taxímetro comezará a computar o percorrer 1.700 metros ou transcorrer cinco minutos tras o comezo do servizo, o que antes suceda.

**Tarifa 1: Aplicable de luns a venres das 06:00 h ás 22:00 h e os sábados das 06:00 h ás 15:00 h.**

CONCEPTO	EUROS	
	SEN IVE	CON IVE
PERCEPCIÓN MÍNIMA	3,364	3,70
QUILÓMETRO PERCORRIDO	0,864	0,95
HORA DE ESPERA	17,545	19,30

**Tarifa 2. Aplicable das 22:00 h ás 06:00 h.**

CONCEPTO	EUROS	
	SEN IVE	CON IVE
PERCEPCIÓN MÍNIMA	4,545	5,00
QUILÓMETRO PERCORRIDO	1,273	1,40
HORA DE ESPERA	26,182	28,80

**Tarifa 3. Aplicable domingos e festivos das 06:00 h ás 22:00 h e sábados das 15:00 h ás 22:00 h.**

CONCEPTO	EUROS	
	SEN IVE	CON IVE
PERCEPCIÓN MÍNIMA	3,909	4,30
QUILÓMETRO PERCORRIDO	1,073	1,18
HORA DE ESPERA	21,636	23,80

**Suplementos: Aplicables en ambas as tarifas.**

CONCEPTO	EUROS	
	SEN IVE	CON IVE
OCUPACIÓN DE MALETEIRO(1)	0,455	0,50

(1) O suplemento por ocupación de maleteiro cobrase a partir do terceiro vulto, é dicir, os dous primeiros vultos non se cobran e o terceiro xa se cobra a razón de 0,50 € por vulto, cun máximo de 3 vultos a cobrar.

Non se entenderán como vultos os cans guías, as cadeiras de bebés e as cadeiras para dependentes.

**C) PARA CONTROL DO GOBERNO:**

**Punto décimo. Moción presentada o día 8 de outubro de 2014 (R.E. núm. 12437) polos/as concelleiros/as M<sup>a</sup> Dolores Fernández Álvarez, Alfonso Rey López, María González Gómez, Manuel Ferreiro Santiago, Emilio Martínez Carballeira e Ramón García Argibay para solicitar ao Goberno do estado modificacións en varias partidas dos Orzamentos Xerais do Estado.**

(.....)

Rematadas as intervencións o pleno da corporación por maioría simple do número legal de membros cos votos a favor dos concelleiros/as non adscritos/as Ramón García Argibay, M<sup>a</sup> Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira e a abstención do resto dos/as concelleiros/as presentes presta aprobación á moción número de rexistro de entrada 12437, de 8 de outubro de 2014, que é do teor literal seguinte:

**Exposición de Motivos**

*O pasado 30 de setembro o Goberno de España presentou os Orzamentos Xerais do Estado; unha vez revisados polos membros de Pacto por Ames observando que o concello de Ames non figura, e, por terceiro ano consecutivo queda a cero.*

*O goberno “amigo” do PP deixa fora ao Concello de Ames dos orzamentos xerais do Estado un ano máis e lamentablemente, o goberno municipal volve a gardar silencio e agocha a cabeza nunha actitude submisiva priorizando por enésima vez, os intereses partidistas sobre os de Ames.*

*Os concelleiros de PxA consideramos que se debe facer unha aposta firme por temas tan importantes como é a seguridade no tráfico e a socialización das persoas que viven Milladoiro, os camiños portugués a Santiago, o camiño a Fisterra, e sobre temas que melloran a calidade de vida e medioambiental das persoas como é o caso do saneamento no rural ou a planta EDAR de Sisalde en Bertamiráns*

*Habida conta que estamos en prazo para facer emendas aos orzamentos e co fin de*

que se poidan incluír proxectos imprescindibles para o desenvolvemento de Ames, os concelleiros de PxA presentamos a consideración do pleno a seguinte moción.

*Instar ao goberno do estado a incluír nos Orzamentos Xerais do Estado as seguintes partidas:*

- 1. No correspondente a investimentos reais solicitar a inclusión de 350.000 euros para o estudo de viabilidade dun paso inferior para a poboación do Milladoiro baixo a Nacional 550 no trazado pola rúa Rosalía de Castro en Ames, A Coruña, a incluír na “sección 17 del Ministerio de Fomento correspondiente al servicio 38 Dirección General de Carreteras.”*
- 2. No correspondente a investimentos reais, incluír unha partida de 50.000 euros para a Intervención de interese cultural no camiño portugués a Santiago de igual xeito que se fixo co camiño francés a Santiago de Compostela ao seu paso polos concello de Paradela, Pedrafita do Cebreiro, Portomarín, Samos e Triacastela por unha inversión ata o 2017 de 2.138.080 euros (partida 2014 17 09 0415 anexo de inversiones reales y programación plurianual).*
- 3. No correspondente a investimentos reais, incluír unha partida de 50.000 euros para a Intervención de interese cultural no camiño de Santiago a Fisterra de igual xeito que se fixo co camiño francés a Santiago de Compostela ao seu paso polos concello de Paradela, Pedrafita do Cebreiro, Portomarín, Samos e Triacastela por unha inversión ata o 2017 de 2.138.080 euros (partida 2014 17 09 0415 anexo de inversiones reales y programación plurianual).*
- 4. No correspondente ao apartado de investimentos reais para o 2015 e programación plurianual, no apartado de “aguas de las cuencas de España, S.A. (ACUAES)”, solicitar a inclusión dunha partida orzamentaria de 1.500.000 euros para saneamentos rurais do concello de Ames en A Coruña, a distribuír en 3 anualidades, do mesmo xeito que se fixo en Santiago de Compostela na partida do código de proxecto 0804.*
- 5. No correspondente ao apartado de investimentos reais para o ano 2015 e programación plurianual, no apartado de “aguas de las cuencas de España, S.A. (ACUAES)” solicitar a inclusión dunha partida orzamentaria de 1.000.000 de euros para a ampliación da depuradora de Sisalde en Bertamiráns – Ames, A Coruña, xa que a metade do recollido por esta EDAR vértese ao río Sar sen depurar.*

**Punto décimo primeiro. Moción presentada o día 14 de outubro de 2014 (R.E. núm. 12714) polos/as concelleiros/as M<sup>a</sup> Dolores Fernández Álvarez, Alfonso Rey López, María González Gómez, Manuel Ferreiro Santiago, Emilio Martínez Carballeira e Ramón García Argibay para solicitar a revisión catastral completa do Concello de Ames.**

A petición do concelleiro **Ramón García Argibay**, se fai constar na acta da sesión que durante a súa intervención o concelleiro **Xosé Anxo Doval Rey** dixo: *Tamén me estraña que PxA derive na acción do goberno, cando continuamente di que é ineficaz, e que agora derive ao goberno xustificar a motivación do que se pide. Volvo a repetir que en relación aos acordos os nosos nos parecen máis claros, máis sinxelos e máis lexibles, aínda que non teríamos tampouco ningún problema en deixar os acordos que estaban inicialmente.*

(.....)

Rematadas as intervencións o pleno da corporación por unanimidade dos seus membros presentes presta aprobación á moción rexistro de entrada número 12714, de 14 de outubro de 2014, emendada na súa totalidade sendo o texto aprobado do teor literal seguinte:

### **Exposición de Motivos.**

*O art. 25.3 da R.D. Lexislativo 1/2004 de 5 de marzo polo que se aproba o Texto Refundido da Ley del Catastro, establece que o procedemento de valoración catastral sólo poderá iniciarse unha vez transcurridos, alomenos, 5 anos desde a entrada en vigor dos valores catastrais derivados do anterior procedemento de valoración colectiva de carácter xeral, e, EN TODO CASO, a partir dos 10 anos desde esa data. Dado que no Concello de Ames a entrada en vigor dos actuais valores data do ano 2005, procede iniciar unha nova valoración.*

*Ademáis, dada a conxuntura económica dos últimos anos cunha significativa baixada do prezo de mercado dos inmobles, a “Ley de Presupuestos Generales del Estado” para 2014 recollen uns coeficientes de actualización á alza ou á baixa a aplicar en cada concello según o ano en que se realizou a valoración catastral. Non se recolle coeficiente de modificación para concellos que a realizaran no ano 2004 porque, según a propia Dirección General del Catastro “ se estima que el nivel actual del mercado inmobiliario es similar al correspondiente a principios de 2004, por lo que, para los municipios, cuya ponencia de valores se aprobó en estos años, no se considera necesaria la aplicación de coeficientes de actualización”.*

*Sendo Ames uns dos concellos que máis medróu poboacionalmente e no parque de vivendas ao longo da primeira década do presente século, cunha previsión de desenvolvemento urbanístico moi superior ao dos concellos limítrofes e mesmo do conxunto de Galicia, consideramos que este concello non se adecúa ás previsións da Dirección General do Catastro e sí que se ten producido unha significativa diminución do valor de mercado dos inmobles.*

*Por estes motivos, o Pleno do Concello de Ames acorda:*

- Instar á Dirección General del Catastro do Ministerio de Hacienda y Administraciones Públicas e/ou organismos competentes a realizar o Procedemento de Valoración Colectiva de Carácter Xeral do Concello de Ames*
- Instar ás administracións, órganos e /ou entidades competentes a facer unha posta en común da documentación e poñer os medios axeitados para iniciar ese procedemento e realizar os distintos trámites incluído o de comunicación individualizada coa maior axilidade posible.*
- Facultar ao Alcalde-Presidente do Concello de Ames a realizar todas as accións que se consideren necesarias na tramitación desta moción.*

**Punto décimo segundo. Moción presentada o día 15 de outubro de 2014 (R.E. núm. 12809) polo grupo municipal socialista para modificar a normativa reguladora das bolsas na educación post obrigatoria.**

(.....)

Rematadas as intervencións o pleno da corporación somete a votación a emenda presentada polos/as concelleiros/as non adscritos/as M<sup>a</sup> Pilar Candocia Pita, Xosé Anxo Doval Rey e Susana Mayo Redondo, emenda que resulta aprobada por maioría absoluta do número legal de membros cos votos a favor dos/as concelleiros/as non adscritos/as M<sup>a</sup> Pilar Candocia Pita, Xosé Anxo Doval Rey, Susana Mayo Redondo, Ramón García Argibay, M<sup>a</sup> Dolores Fernández Álvarez, Manuel J. Ferreiro Santiago,

Alfonso Rey López, María González Gómez, Emilio Martínez Carballeira e dos seis representantes do grupo municipal socialista e a abstención dos cinco representantes do grupo municipal popular.

A continuación sométese a votación a moción número de rexistro de entrada 12809, de 15 de outubro de 2014 coa emenda aprobada, resultando aprobada dita moción emendada por maioría absoluta do número legal de membros, cos votos a favor dos/as concelleiros/as non adscritos/as M<sup>a</sup> Pilar Candocia Pita, Xosé Anxo Doval Rey, Susana Mayo Redondo, Ramón García Argibay, M<sup>a</sup> Dolores Fernández Álvarez, Manuel J. Ferreiro Santiago, Alfonso Rey López, María González Gómez e Emilio Martínez Carballeira e dos seis representantes do grupo municipal socialista e a abstención dos representantes do grupo municipal popular, sendo o texto da moción aprobada do teor literal seguinte:

### **Exposición de Motivos**

*Para garantir a efectiva igualdade de oportunidades na educación post obrigatoria, no ano 2005 as bolsas foron recoñecidas como un dereito dos estudantes e as estudantes que as precisasen polas súas condicións socioeconómicas. O noso país foi un exemplo no avance a educación superior e hoxe temos os índices máis altos de éxito académico, en torno ao 78%. Un dato que se compara cos datos de países da OCDE (70%) e da UE-21 (69%) mostra o rendemento do estudiantado universitario español.*

*Desgraciadamente o Goberno do Partido Popular só se dedicou neste tempo a pôr trabas ás estudantes e os estudantes universitarios. Primeiro coa subida dos prezos públicos de matrícula, máis coñecidos como taxas universitarias, e despois cunha reforma do sistema de bolsas que as elimina como dereito de tódolos que as necesitan, afectando gravemente á igualdade de oportunidades. As bolsas xa non son unha garantía de igualdade no acceso á educación, son un premio para uns poucos.*

*Máis dificultades e menos recursos nos orzamentos cando as necesidades para familias e estudantes son maiores por mor da crise. O orzamento que o Ministerio de Educación destina a bolsas e axudas ao estudo caeu un 15,75% nos dous últimos cursos, o que supuxo que polo menos haxa un descenso de 275 millóns de euros. O balance do Goberno do Partido Popular en materia de bolsas e axudas é unha redución 40% no número de axudas e por tanto a quebra do principio de igualdade de oportunidades na educación.*

*Pero a situación é máis grave tal como reflicte o Informe “Education at a Glance”, a OCDE clasifica a España como “sistemas de axudas aos estudantes poucos desenvolvidos”. Ao Goberno do Partido Popular este feito non lle preocupou, nunha mostra da súa falta de interese en calquera mecanismo que favoreza a igualdade real no acceso aos dereitos que recoñece a constitución a todos os españois e as españolas.*

*Así, o Goberno desatende as recomendacións da OCDE, dos partidos políticos, das organizacións educativas e do alumnado universitario, ademais de incumplir a lei ao non convocar o Observatorio de Bolsas, un organismo creado para o estudo e a toma de decisións compartidas coa comunidade educativa. O PP ten o seu propio plan,*

*subir as taxas, reducir e limitar as bolsas e fomentar os préstamos bancarios a universitarios. En definitiva, aumentar substancialmente o financiamento privado da educación superior, tal como suxeriu publicamente a Secretaría Xeral de Universidades.*

*Os universitarios e as universitarias demostraron a súa valía, o seu talento e o seu esforzo, a pesar dun Goberno que se empeña en castigar aos alumnos con menos recursos negándolles o gozar pleno dun dereito que a Constitución lles recoñece. As bolsas han de garantir a calquera estudante poder desenvolver o seu talento, independentemente da súa capacidade económica.*

*A política universitaria do PP conduce inevitablemente a unha diminución do número de estudantes universitarios, ao agravamento das dificultades económicas das universidades públicas e á ruptura da equidade no acceso á Universidade, en definitiva, á perda de oportunidades e do talento de moitos dos nosos e nosas mozas.*

*Por iso, o Grupo Municipal Socialista do Concello de Ames presenta para a súa consideración e aceptación polo Pleno Municipal a seguinte MOCIÓN na que se insta ao Goberno de España a:*

**1) Cumprir co artigo 27 da Constitución que establece que “*todos teñen dereito á educación*” así como a obriga dos “*Poderes públicos a garantir o dereito de todos á educación mediante a programación xeral da ensinanza*”.**

**2.) Modificar** a actual normativa reguladora das bolsas e axudas ao estudo (Xeral e mobilidade) para que recuperen a súa finalidade social de contribuír a igualdade de oportunidades e que a condición social e económica non sexa o principal filtro de acceso a universidade nin a realización de estudos superiores.

**3) Restituír a normativa reguladora da Convocatoria de bolsas vixente ata o curso 2011/2012 cos requisitos académicos e económicos existentes** nesa convocatoria que permitían coñecer as contías das bolsas e axudas que poderían acadar os solicitantes no caso de cumprir os requisitos que establecidos nela.

**4) Abonar nun período máximo de 3 meses** dende o comezo do curso as contías correspondentes aos beneficiarios co obxecto de que se cumpra a finalidade que teñen: que os estudantes dispoñan do diñeiro das bolsas cando comezan o curso académico.

**5) Permitir a solicitude de bolsas en casos extraordinarios por cuestión económicas** sobrevidas despois de finalizado o prazo de solicitude para os estudantes afectados.

**Punto décimo terceiro. Moción presentada o día 17 de outubro de 2014 (R.E. núm. 12942) polo grupo municipal socialista sobre os centro de saúde de Ames.**  
(.....)

Rematadas as intervencións o pleno da corporación somete a votación a moción presentada por rexistro de entrada número 12942 de 17 de outubro de 2014, que resulta aprobada por maioría absoluta do número legal de membros cos votos a favor dos/as concelleiros/as non adscritos/as M<sup>a</sup> Pilar Candocia Pita, Xosé Anxo Doval Rey e Susana Mayo Redondo, Ramón García Argibay, M<sup>a</sup> Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira e dos seis representantes do grupo municipal socialista e a abstención dos cinco representantes do grupo municipal popular sendo o texto da moción aprobada do teor literal seguinte:

## **Exposición de Motivos**

*Ames, como todos e todas sabemos, é un concello que na actualidade supera os 30 mil habitantes, polo que debería de contar cuns servizos e unhas instalacións axeitadas para prestar atención e darlle servizo aos seus veciños e veciñas, pero, desgraciadamente, isto non é así e co que nos atopamos é con enormes carencias en varios dos servizos principais debido a que o actual goberno amosa unha total despreocupación, e en moitas ocasións un pasotismo preocupante e censurable. Un claro exemplo do desleixo e o abandono ao que ten sometido este goberno ao servizo de atención sanitaria, o cal a pesares das reiteradas peticións, mocións e ata acordos plenarios o goberno do Partido Popular de Ames ten paralizadas as xestións para unha mellora do servizo e a atención aos doentes do noso concello.*

*O noso municipio conta na actualidade con dous centros de saúde: un no Milladoiro e outro en Bertamiráns. Sobre o primeiro xa se ten debatido no pleno da corporación mediante unha moción presentada e aprobada por maioría de 16 votos a favor, concluíndo a necesidade de axilizar prazos e compromisos entre o Concello e a Consellería de Sanidade. Nun dos puntos desa moción acordábase a obrigatoriedade por parte do Goberno de informar nos plenos sucesivos sobre as xestións realizadas en torno a este asunto. Pasados 7 plenos e 7 meses non se deu información plenaria algunha por parte do Alcalde polo que debemos entender, ou ben que non se realizou xestión algunha, ou ben que o Alcalde saltouse á torera un acordo plenario. Sexa cal sexa o motivo a realidade é que o Centro de Saúde de Milladoiro segue sen contar co compromiso da Xunta e sen o visto bo da parcela teóricamente ofrecida polo Concello.*

*Estando no mes de outubro, e próximos a aprobación dos orzamentos da Xunta de Galicia para o vindeiro ano 2015, o Grupo Socialista considera imprescindible que para facer valer calquer tipo de negociación ou acordo posterior de parcela algunha é necesaria a inclusión nos orzamentos da Xunta de Galicia dunha partida orzamentaria que asegure os compromisos acadados. De todos é sabido que esta partida orzamentaria xa existía e se tiña comprometida en anos anteriores e ascendía a cantidade de 2.776.085,29€, pero que a mesma foi retirada polo Partido Popular de Galicia no pasado exercicio 2014, sen que o Alcalde de Ames defendera os intereses dos veciños e veciñas de Ames e sen que dixerá nin unha sola palabra ao respecto, nin presentara enmenda algunha, cousa que si fixemos vía parlamentaria os Socialistas. O orzamento da Consellería de Sanidade para esta partida do Concello de Ames en todo o 2014 ascendeu a 19.500€, cantidade moi deficiente para facer fronte a infraestrutura algunha.*

*O outro centro de saúde co que contamos en Ames é o de Bertamiráns, un dispensario, que ao igual que acontece co do Milladoiro, conta con numerosas carencias, basicamente por ser un edificio antigo e que foi deseñado para atender a unha poboación que fai varios anos que quedou superada. Cabe destacar que os investimentos realizados neste centro son escasísimos nos últimos 20 anos, e como exemplo palpable, é que durante este tempo nin tan sequera se pintou o seu interior. Na actualidade, este centro, da cobertura a máis de 17 mil usuarios e usuarias, incluídos varios centos de fóra do municipio. Este centro posúe varias deficiencias estruturais que é necesario arranxar e mellorar, e que fai anos que os facultativos e usuarios veñen reclamando. Cabe destacar a imperiosa necesidade de mellorar a*



*área de administración, a cal presenta moitas dificultades tanto para a atención ao público, como para as tarefas dos traballadores e traballadoras. Así mesmo, é necesario realizar unha redistribución dos espazos existentes para crear un maior número de consultas e outras dependencias para usos habituais do centro médico que permitirían inclusive ampliar os servizos que se prestan no Centro.*

*Máis carencias a ter en conta e que é necesario cubrir son: a colocación dun ascensor para facilitar o acceso á planta superior, mellorar os accesos exteriores ou ampliar as zonas de aparcadoiro entre outras moitas que solicitan os propios médicos do Centro.*

*Non entramos a valorar nesta moción a mellora dos servizos médicos, aínda que si consideramos importante mencionar as carencias existentes na actualidade motivadas, ou ben polos recortes do Partido Popular, ou ben pola mala planificación da Xunta de Galicia e o nulo interese do actual goberno municipal. Pero actualmente sería necesario ampliar o número de matronas, ou polo menos cubrir as súas baixas, porque lembramos que Ames é un dos concellos con maior natalidade de Galicia, entre outras carencias en materia de especialidades que requiren doutra moción.*

*Polo anteriormente exposto é polo que o Grupo Municipal do PSdeG-PSOE de Ames somete para a súa aprobación a adopción dos seguintes*

#### **ACORDOS:**

*1.- Instar á Consellería de Sanidade da Xunta de Galicia ao seguinte:*

- Incluir nos orzamentos de 2015 as partidas necesarias para acometer a nova construción do centro de saúde de O Milladoiro.*
- Fixar un calendario con prazos concretos para a construción do novo Centro de Saúde do Milladoiro.*
- A realización dun estudo de necesidades e mellora do Centro de saúde de Bertamiráns, que sexa elaborado conxuntamente cos facultativos e persoal do centro, nos que se teña en conta o incremento de usuarios e usuarias dos últimos anos.*
- Incluir nos orzamentos de 2015 as partidas necesarias para acometer o estudo e as posteriores melloras no Centro de Saúde de Bertamiráns.*

*2.- Dar traslado do citado acordo á Xunta de Galicia, á Consellería de Sanidade e ao SERGAS.*

*3.- Dar traslado deste acordo aos grupos políticos con representación no Parlamento de Galicia para que o teñan en conta á hora de debater os Orzamentos do ano 2015*

*4.- Que o Alcalde de Ames informe nos sucesivos plenos das xestións realizadas e notificacións recibidas en torno a estes asuntos.*

#### **Moción de urxencia para o arranxo do patio inferior da EEI Milladoiro**

*Pola concelleira Susana Mayo Redondo se presenta moción de urxencia para o arranxo do patio inferior do EEI Milladoiro, que é do teor literal seguinte:*

##### ***Exposición de Motivos***

*A Escola de Educación Infantil Milladoiro é un centro educativo situado en enclave urbano que conta cun espazo moi limitado para organizar os recreos e outras actividades de lecer do seu alumnado. Actualmente, con catro liñas completas en tres cursos de infantil, débese distribuír os/as rapaces/as nos baixos do edificio que actúan a modo de patio parcialmente cuberto, sen que exista un espazo alternativo a este.*

*A situación do centro complicase moito cando chega o tempo de chuvia, a maior parte do curso escolar en Galicia, xa que este patio se inunda sistematicamente, non permitindo a súa utilización. Esta situación foi denunciada pola dirección do centro, polo seu consello escolar e tamén pola anpa Millapeques desde o primeiro curso en*



*que a EEI Milladoiro abriu. Polo tanto, a disfunción do pavimento do patio non se debe nin ao uso nin ao mal uso das instalacións, senón a un defecto estrutural só atribuíble á entidade construtora do edificio, a Xunta de Galicia.*

*Coa chegada dun novo curso, o sétimo dende a apertura do centro, segue sen haber iniciativa por parte da Consellería de Educación para solucionar este problema que impide o normal desenvolvemento da actividade curricular da EEI Milladoiro.*

*Por todo isto, a Corporación Municipal de Ames insta á Consellería de Educación, Cultura e Ordenación Universitaria da Xunta de Galicia a que:*

- 1. Recoñeza a responsabilidade sobre a execución defectuosa do patio inferior da EEI Milladoiro, que provoca inundacións incompatibles co desenvolvemento da actividade diaria do centro.*
  - 2. Substitúa o pavimento e realice cantas obras sexan precisas nesta zona para a correcta drenaxe e/ou evacuación da auga do patio.*
- (.....)*

A urxencia resulta ratificada por maioría absoluta cos votos a favor dos concelleiros/as non adscritos/as M<sup>a</sup> Pilar Candocia Pita, Xosé Anxo Doval Rey e Susana Mayo Redondo, Ramón García Argibay, M<sup>a</sup> Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira e dos seis representantes do grupo municipal socialista e a abstención dos cinco representantes do grupo municipal popular.

A continuación presentase unha emenda *in voce* pola concelleira M<sup>a</sup> Dolores Fernández Álvarez do teor literal seguinte:

#### **Exposición de motivos**

*Unha situación similar ocorre no colexio de Educación Infantil e Primaria do Agro do Muíño. Ten a zona deportiva e de xogos semidescuberta e carece de espazo cuberto para os máis pequenos.*

*Esta situación é unha demanda que desde hai moito tempo leva facendo a comunidade educativa deste centro debido aos problemas que a auga ocasiona.*

*No penúltimo parágrafo:*

*Coa chegada dun novo curso, segue sen haber iniciativa por parte da Consellería de Educación para solucionar este problema que impide o normal desenvolvemento da actividade destes centros.*

*Parte resolutiva:*

- 1.- Recoñeza a responsabilidade sobre a execución defectuosa do patio inferior da EEI Milladoiro, que provoca inundacións incompatibles co desenvolvemento da actividade diaria do centro.*
- 2.- Que na Escola de Infantil e Primaria do Agro do Muíño acometa as obras necesarias para acondicionar a zona deportiva e de xogos para que a chuvia e a auga non impida o normal desenvolvemento da actividade.*
- 3.- Que na EEI Milladoiro se proceda a acometer as obras que sexan necesarias para a correcta drenaxe e/ou evacuación da auga do patio.*

4.- *Facultar ao alcalde para realizar as xestións oportunas ante a Consellería.*

5.- *Informar nos plenos seguintes a aprobación desta moción dos procesos desenvolvidos.*

(.....)

A emenda in voce presentada pola concelleira M<sup>a</sup> Dolores Fernández Álvarez, resulta aprobada cos votos a favor dos/as concelleiros/as non adscritos/as M<sup>a</sup> Pilar Candocia Pita, Xosé Anxo Doval Rey e Susana Mayo Redondo, Ramón García Argibay, M<sup>a</sup> Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira e dos seis representantes do grupo municipal socialista e o voto en contra dos cinco representantes do grupo municipal popular.

(.....)

A continuación sometese a votación a moción emendada que resulta aprobada por maioría absoluta cos votos a favor dos concelleiros/as non adscritos/as M<sup>a</sup> Pilar Candocia Pita, Xosé Anxo Doval Rey e Susana Mayo Redondo, Ramón García Argibay, M<sup>a</sup> Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira e dos seis representantes do grupo municipal socialista e a abstención dos cinco representantes do grupo municipal popular, sendo a moción aprobada do teor literal seguinte:

### **Exposición de Motivos**

*A Escola de Educación Infantil Milladoiro é un centro educativo situado en enclave urbano que conta cun espazo moi limitado para organizar os recreos e outras actividades de lecer do seu alumnado. Actualmente, con catro liñas completas en tres cursos de infantil, débese distribuír os/as rapaces/as nos baixos do edificio que actúan a modo de patio parcialmente cuberto, sen que exista un espazo alternativo a este.*

*A situación do centro complicase moito cando chega o tempo de chuvia, a maior parte do curso escolar en Galicia, xa que este patio se inunda sistematicamente, non permitindo a súa utilización. Esta situación foi denunciada pola dirección do centro, polo seu consello escolar e tamén pola anpa Millapeques desde o primeiro curso en que a EEI Milladoiro abriu. Polo tanto, a disfunción do pavimento do patio non se debe nin ao uso nin ao mal uso das instalacións, senón a un defecto estrutural só atribuíble á entidade construtora do edificio, a Xunta de Galicia.*

*Unha situación similar ocorre no colexio de Educación Infantil e Primaria do Agro do Muíño. Ten a zona deportiva e de xogos semidescuberta e carece de espazo cuberto para os máis pequenos.*

*Esta situación é unha demanda que desde hai moito tempo leva facendo a comunidade educativa deste centro debido aos problemas que a auga ocasiona Coa chegada dun novo curso, segue sen haber iniciativa por parte da Consellería de Educación para solucionar este problema que impide o normal desenvolvemento da actividade destes centros.*

*Por todo isto, a Corporación Municipal de Ames insta á Consellería de Educación, Cultura e Ordenación Universitaria da Xunta de Galicia a que:*

*1.- Recoñeza a responsabilidade sobre a execución defectuosa do patio inferior da EEI Milladoiro, que provoca inundacións incompatibles co desenvolvemento da actividade diaria do centro.*

*2.- Que na Escola de Infantil e Primaria do Agro do Muíño acometa as obras necesarias para acondicionar a zona deportiva e de xogos para que a chuvia e a auga non impida o normal desenvolvemento da actividade.*

*3.- Que na EEI Milladoiro se proceda a acometer as obras que sexan necesarias para a correcta drenaxe e/ou evacuación da auga do patio.*

*4.- Facultar ao alcalde para realizar as xestións oportunas ante a Consellería.*

*5.- Informar nos plenos seguintes a aprobación desta moción dos procesos desenvolvidos.*

A petición da concelleira **M<sup>a</sup> Dolores Fernández Álvarez**, se fai constar na acta da sesión que durante a súa intervención o concelleiro Bernardo Moar dixo: que se vai a pechar polo lateral a pista cuberta, que é o patio dos maiores.

#### **Punto décimo cuarto.- Rogos e preguntas.**

Non se formularon.

E non habendo mais asuntos que tratar, o señor alcalde presidente deu por rematado o acto e levantou a sesión ás vinte e tres horas e cincuenta e cinco minutos do día 30 de outubro de 2014, de todo o que eu como secretaria certifico.

Visto e praxe  
O alcalde

A secretaria